

# Ymddiriedolaeth Elusennol Ynys Môn

## Cofnodion y cyfarfod a gynhaliwyd ar 11 Tachwedd 2014

<b>PRESENNOL:</b>	Victor Hughes (Cadeirydd) A M Jones (Is-Gadeirydd)  Lewis Davies, R Dew, Jim Evans, John Griffith, T Ll Hughes, K P Hughes, D R Hughes, W T Hughes, Llinos Medi Huws, Carwyn Jones, H E Jones, R Ll Jones, G O Jones, Richard Owain Jones, Cynghorydd R.Meirion Jones, Jeffrey M.Evans, Alun W Mummery, R G Parry OBE, Dylan Rees, J A Roberts, Nicola Roberts, P S Rogers, Alwyn Rowlands a Ieuan Williams
<b>WRTH LAW:</b>	Ysgrifennydd  <b>Swyddogion o Gyngor Sir Ynys Môn (cyfeirir atynt yma wrth deitlau eu swyddi yng Nghyngor Sir Ynys Môn)</b>  Rheolwr Gwasanethau Cyfrifeg Dros Dro (BO), Cyfrifydd Cyfalaf a Rheoli'r Trysorlys (GR), Cymhorthydd Gweinyddol (CS), Swyddog Pwyllgor (MEH).
<b>YMDDIHEURIADAU:</b>	Ann Griffith, Vaughan Hughes a Dafydd Rhys Thomas
<b>HEFYD YN BRESENNOL:</b>	Cynrychiolwyr o Gymdeithas Gemau'r Ynysoedd Ynys Môn, Cynrychiolwyr o'r Bwrdd Prosiect Camerau Diogelwch

---

Dywedodd yr Is-Gadeirydd fod 96 o flynyddoedd wedi mynd heibio ers Diwrnod y Cadoediad a'i bod yn briodol cofio am y rhai oedd wedi aberthu eu bywydau dros eu gwlad. Safodd yr Aelodau a'r Swyddogion fel arwydd o barch.

### 1 DATGANIAD O DDIDDORDEB

Datganodd Mr Lewis Davies diddordeb personol yng nghyswllt Eitem 3 - Cofnodion y Pwyllgor Grantiau Cyffredinol yn ymwneud â chais am grant gan Neuadd Gymuned, Llanfaes.

Datganodd Mr Jim Evans diddordeb personol yng nghyswllt Eitem 4 – Cymdeithas Gemau'r Ynysoedd Ynys Môn gan ei fod yn Aelod o Gyngor Tref Porthaethwy.

Datganodd Mr Jeff Evans diddordeb personol yng nghyswllt Eitem 4 - Bwrdd Prosiect Camerau Diogelwch y 5 Tref - am ei fod yn Aelod o Gyngor Tref Caergybi.

Datganodd Mr John Griffith diddordeb personol yng nghyswllt Eitem 3 - Cofnodion y Pwyllgor Grantiau Cyffredinol, yn ymwneud â chais grant (28) gan Gyngor Cymuned Cwm Cadnant.  
Datganodd diddordeb personol a rhagfarnol arall yng nghyswllt Eitem 3 - Cofnodion y Pwyllgor Grantiau Cyffredinol, yn ymwneud â chais grant (52) gan Faes Chwarae Llanfaethlu a chais am grant (53) gan Fenter Mechell.

Datganodd Mr T.Ll. Hughes diddordeb personol yng nghyswllt Eitem 3 - Bwrdd Prosiect Camerau Diogelwch y 5 Tref gan ei fod yn Aelod o Gyngor Tref Caergybi.

Datganodd Mr Carwyn E. Jones diddordeb personol yng nghyswllt Eitem 3 – Cofnodion y Pwyllgor Grantiau Cyffredinol, yn ymwneud â chais am grant gan Neuadd Gymuned Llanfaes.

Datganodd Mr R.O. Jones ddiddordeb personol a rhagfarnol yng nghyswllt Eitem 4 – Cymdeithas Gemau'r Ynysoedd Ynys Môn oherwydd mai ef yw Is-Gadeirydd y Gymdeithas. Gadawodd y cyfarfod yn ystod y pleidleisio ar y cais.

Datganodd Mr Bob Parry OBE ddiddordeb personol yng nghyswllt Eitem 3 - Cofnodion y Pwyllgor Grantiau Cyffredinol, yn ymwneud â chais am grant gan Gyngor Cymuned Trewalchmai a Chyngor Cymuned Bryngwran. Datganodd ddiddordeb personol hefyd yng nghyswllt Eitem 4 - Bwrdd Prosiect Camerâu Diogelwch y 5 Tref oherwydd iddo lofnodi deiseb i gefnogi cadw'r Camerâu Diogelwch.

Datganodd Mr Dylan Rees ddiddordeb personol a rhagfarnol yng nghyswllt Eitem 4 - Bwrdd Prosiect Camerâu Diogelwch y 5 Tref fel Aelod o Gyngor Tref Llangefni (roedd y Cyngor Tref yn Gyd-Ymgeisydd). Dywedodd ei fod wedi cael barn gyfreithiol ac iddo gael cyngor y gallai siarad yng nghyswllt y cais hwn.

Datganodd Mrs Nicola Roberts ddiddordeb personol yng nghyswllt Eitem 4 - Bwrdd Prosiect Camerâu Diogelwch y 5 Tref gan ei bod yn Aelod o Gyngor Tref Llangefni.

Datganodd Mr Peter S. Rogers ddiddordeb personol yng nghyswllt Eitem 4 - Bwrdd Prosiect Camerâu Diogelwch y 5 Tref oherwydd ei fod yn gyn Ynad.

## **2 COFNODION**

Cadarnhawyd cofnodion y cyfarfod a gynhaliwyd ar 1 Hydref, 2014.

## **3 PWYLLGOR GRANTIAU CYFFREDINOL**

Cadarnhawyd a mabwysiadwyd lle yr oedd angen, gofnodion y cyfarfod o'r Pwyllgor Grantiau Cyffredinol a gynhaliwyd ar 8 Gorffennaf, 2014.

## **4 CEISIADAU AM GEFNOGAETH GRANT**

### **• Cymdeithas Gemau'r Ynysoedd Ynys Môn**

Croesawodd y Cadeirydd gynrychiolwyr o Gymdeithas Gemau'r Ynysoedd Ynys Môn i roi cyflwyniad yng nghyswllt cais am gymorth grant gan Ymddiriedolaeth Elusennol Ynys Môn.

Rhoddodd y cynrychiolwyr grynodedb o weithgareddau Cymdeithas Gemau'r Ynysoedd Ynys Môn gan adrodd am lwyddiant nifer o athletwyr sydd wedi cynrychioli Ynys Môn yng Ngemau'r Ynysoedd dros y blynnyddoedd.

Roedd y fid am gymorth grant yn un am brosiect 5 mlynedd fel a ganlyn:-

Blwyddyn 1 - £50,000 (Bydd £10k tuag at Gystadleuaeth Gymnasteg Rhyng-Gemau 2015)

Blynnyddoedd 2 i 5 - £40,000 y flwyddyn

Nodwyd y byddai bid lwyddiannus yn sicrhau dyfodol Gemau'r Ynysoedd dros y 5 mlynedd nesaf.

Roedd y rhesymau am y fid am gymorth grant fel a ganlyn:-

- roedd y cais yn cael ei wneud er mwyn gwella perfformiad;
- i gynyddu cynrychiolaeth;
- i gynyddu ymwybyddiaeth yn lleol;
- i ymestyn yr iaith a diwylliant;
- sicrwydd ariannol i Gymdeithas Gemau'r Ynysoedd Ynys Môn;
- sicrhau cynrychiolaeth Ynys Môn;

- i ddatblygu athletwyr;
- i ddatblygu hyfforddwyr a swyddogion;

Dywedwyd hefyd y bydd Ynys Môn yn Lletya'r gystadleuaeth Gymnasteg Rhyng-Gemau 2015 gyda 8 Ynys yn cystadlu. Bydd y gystadleuaeth yn cael ei chynnal yng Nghaergybi dros 5 diwrnod.

I ddilyn, cafwyd sesiwn o gwestiynau ac atebion gan Aelodau Ymddiriedolaeth Elusennol Ynys Môn i'r cynrychiolwyr o Gymdeithas Gemau'r Ynysoedd Ynys Môn a thrafodwyd y materion a ganlyn:-

- cefnogaeth unfrydol i Gymdeithas Gemau'r Ynysoedd Ynys Môn ac estynnwyd canmoliaeth uchel i'r athletwyr ar eu llwyddiant yng Ngemau'r Ynysoedd.;
- dylai cynllun busnes a mantolen ariannol fod wedi eu hatodi i'r cais am gymorth grant;
- dylid rhoi manylion ynglŷn â gweinyddwyr Cymdeithas Gemau'r Ynysoedd Ynys Môn.
- dylai pob plentyn a pherson ifanc gael y cyfle i ragori mewn gweithgareddau chwaraeon;

#### **PENDERFYNWYD yn unfrydol:-**

- **I gymeradwyo'r cais am gyllid a wnaed gan Gymdeithas Gemau'r Ynysoedd Ynys Môn am £50k yn y flwyddyn gyntaf a £40k wedi hynny am y 4 blynedd ddilynol;**
  - **Y dylai Cymdeithas Gemau'r Ynysoedd Ynys Môn roi manylion am weinyddwyr y Gymdeithas i Ymddiriedolaeth Elusennol Ynys Môn;**
  - **Bod mantolen ariannol a Chynllun Busnes llawn Cymdeithas Gemau'r Ynysoedd Ynys Môn yn cael eu cyflwyno i Ymddiriedolaeth Elusennol Ynys Môn cyn rhyddhau'r cyllid grant.**
- **Bwrdd Prosiect Camerâu Diogelwch y Pum Tref**

Rhoddodd y Cadeirydd groeso i Mr Cliff Everett, Clerc Cyngor Tref Caergybi fel cynrychiolydd Bwrdd Prosiect Camerâu Diogelwch y Pum Tref a'r Arolygydd Guy Blackwell, Heddlu Gogledd Cymru i roi cyflwyniad yn gysylltiedig â chais am gymorth grant gan Ymddiriedolaeth Elusennol Ynys Môn.

Dywedodd Mr Everett mai ymgyrch oedd y prosiect hwn ar ran y 5 Cyngor tref i weithio mewn partneriaeth i fabwysiadu a rheoli gwasanaeth Camerâu Diogelwch newydd am y 10 mlynedd nesaf gyda golwg ar gael trafodaeth bellach gyda datblygwyr mawr am eu cyfraniad tuag at wella diogelwch y cyhoedd ar Ynys Môn. Bydd pob Cyngor Tref yn cymryd cyfrifoldeb am eu cynllun eu hunain o ran y dyluniad cychwynnol, cynllunio, caffael, ardaloedd goruchwylio, cynnal a chadw ac anghenion monitro / mynediad. Bydd Heddlu Gogledd Cymru a Phartneriaid Diogelwch Cymunedol yn parhau i weithio'n agos gyda phob un o'r Cyngorau Tref o dan nawdd Deddf Trosedd ac Anhrefn 1998.

Mae'r 5 Cyngor Tref wedi cael dyfynbrisiau ar gyfer cynnal a chadw eu systemau Camerâu Diogelwch ar gost o £20k y flwyddyn dros gyfnod ymrwymedig o 10 mlynedd. Mae trafodaethau'n cael eu cynnal o fewn y 5 Cyngor Tref ynglŷn â rheolaeth y cynllun – a ddylai hynny fod o dan y strwythur presennol neu drwy gwmni cyfyngedig drwy warant.

Dywedodd Mr Everett mai cais oedd hwn am gyllid grant unwaith ac am byth o £195,000.

Dywedodd yr Arolygydd Guy Blackwell nad bwriad y cynllun hwn yw parhau i weithredu'r Camerâu Diogelwch blaenorol ond i weithredu system newydd gyda chefnogaeth Heddlu Gogledd Cymru.

Dyweddodd yr Ysgrifennydd y cafwyd cyngor cyfreithiol gan Weightmans LLP yng nghyswllt y cais hwn ac fe hysbyswyd y cynrychiolwyr o Fwrdd Prosiect Camerâu Diogelwch y 5 Tref ynglŷn â'r ymateb a gafwyd gan Weightmans LLP ymlaen llaw. Y Cyngor a gafwyd oedd bod angen cael gwahaniad clir rhwng darpariaeth y Cyngor o'r gwasanaeth Camerâu Diogelwch a sut y bydd y gwasanaeth yn cael ei ddarparu i'r dyfodol. Dywedwyd ymhellach bod rhai anawsterau gyda'r cais hwn fel y mae'n cael ei gynnig ar hyn o bryd a hynny'n codi o 'fudd anuniongyrchol' o ystyried na chafwyd gwahaniad pendant.

I ddilyn cafwyd sesiwn o gwestiynau ac atebion gan Aelodau Ymddiriedolaeth Elusennol Ynys Môn i gynrychiolwyr Bwrdd Prosiect Camerâu Diogelwch y 5 Tref a chodwyd y materion a ganlyn:-

- roedd Ymddiriedolaeth Elusennol Ynys Môn yn cefnogi'r cais mewn egwyddor;
- bydd angen cael gwahaniad pendant rhwng darpariaeth y Cyngor Sir o Gomerâu Diogelwch er mwyn bodloni deddfwriaeth y Comisiwn Elusennol;
- mae angen rhoi sicrwydd i breswylwyr yr Ynys bod Camerâu Diogelwch yn eu lle i atal ac i weithredu i stopio trosedd ac ymddygiad gwrthgymdeithasol;

Cynigiodd Mr. W.T. Hughes y dylid cymryd pleidlais wedi'i chofnodi. Ni chariwyd y cynnig.

#### **PENDERFYNWYD:-**

- **cymeradwyo, mewn egwyddor, y cais am gyllid a wnaed gan Fwrdd Prosiect Camerâu Diogelwch 5 Tref, yn amodol ar gael sicrwydd bod 'gwahaniad pendant' yn cael ei nodi rhwng darpariaeth Camerâu Diogelwch y Cyngor Sir;**
- **y bydd angen cynnal trafodaethau pellach gyda Bwrdd Prosiect Camerâu Diogelwch y 5 Tref a Swyddogion yr Ymddiriedolaeth Elusennol.**

## **5 EITEM SYDD YN DEBYGOL O GAEL EI DRAFOD YN BREIFAT - TIR RHOSGOCH**

Rhoddodd yr Ysgrifennydd ddiweddariad llafar i Aelodau'r Ymddiriedolaeth Elusennol ar y sefyllfa mewn perthynas â thrafodaethau ynglŷn â gwerthu safle Rhosgoch a'r materion oedd yn codi o hynny.

**PENDERFYNWYD nodi'r wybodaeth a disgwyl am ddiweddariad pellach yn y cyfarfod nesaf o'r Ymddiriedolaeth Elusennol.**

#### **Materion eraill**

#### **Gweinyddu'r Ymddiriedolaeth Elusennol yn y dyfodol**

#### **Cododd yr Aelodau fater gweinyddiaeth yr Ymddiriedolaeth Elusennol yn y dyfodol.**

Nododd yr Ysgrifennydd ei fod yn ymwybodol iawn o bryderon Aelodau'r Ymddiriedolaeth Elusennol yng nghyswllt gweinyddiaeth yr Elusen i'r dyfodol ac am ddiogelu asedau'r Ymddiriedolaeth er budd preswylwyr Ynys Môn.

Gofynnwyd cwestiynau hefyd yng nghyswllt cymhwysedd ardal Amlwch yn awr i allu cyflwyno ceisiadau am gyllid gan yr Ymddiriedolaeth Elusennol.

Roedd aelodau'r Ymddiriedolaeth hefyd yn dymuno cael cyngor gan y Rheolwyr Buddsoddi ar y llog a dderbynnir ar fuddsoddiad yr Ymddiriedolaeth.

Yn dilyn trafodaethau **PENDERFYNWYD galw Cyfarfod Arbennig o Ymddiriedolaeth Elusennol Ynys Môn i drafod y materion a godwyd.**

**T.V. HUGHES  
CADEIRYDD**